

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**V L A D A**

Broj: 02/1-34-31203-1/24  
Tuzla, 07.11.2024. godine

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 07.11.2024. godine, d o n o s i

**ZAKLJUČAK**

**I**


Prihvata se Mišljenje Ministarstva obrazovanja i nauke u vezi sa prijedlogom Islamske zajednice u Bosni i Hercegovini za osnivanje naučno – istraživačke organizacije „Institut za društvena i religijska istraživanja“.

**II**

Mišljenje iz tačke I ovog Zaključka uputit će se Skupštini Tuzlanskog kantona na razmatranje i dalje postupanje.

**DOSTAVITI:**

- 1 x Skupštini Tuzlanskog kantona
- 1 x Ministarstvu obrazovanja i nauke
- 1 x Evidenciji
- 1 x a/a



**PREMIJER KANTONA**

**Irfan Halilagić**



Broj: 10/1- 34-031203 -24  
Tuzla, 31.10. 2024. godine

- SKUPŠTINA TUZLANSKOG KANTONA  
- VLADA TUZLANSKOG KANTONA

**PREDMET:** Mišljenje, dostavlja se,-

Veza: Akt Skupštine Tuzlanskog kantona broj: 02-54-495-2/24 od 17.10.2024. godine

Akt premijera Tuzlanskog kantona broj: 02/2-34-29743/24 od 22.10.2024. godine

Aktima, broj i datum iz veze, ovom ministarstvu je dostavljen na uvid prijedlog Islamske zajednice u Bosni i Hercegovini broj: 02-02-495-1/24 od 15.10.2024. godine za osnivanje naučno-istraživačke organizacije - instituta „Institut za društvena i religijska istraživanja“ u Tuzli, te je traženo mišljenje o istom.

Nakon što je izvršen uvid u predmetni zahtjev, dostavlja se sljedeće mišljenje:

Zakonski osnov za osnivanje Instituta za društvena i religijska istraživanja na području Tuzlanskog kantona sadržan je u Zakonu o naučnoistraživačkom radu („Službene novine Tuzlanskog kantona“, broj: 14/17, 8/21, 16/22, 9/23 i 3/24 - u daljem tekstu: Zakon).

Članom 27. je decidno propisano:

„Osnivač naučnoistraživačke organizacije može biti Skupština Kantona, jedinica lokalne samouprave, te svako domaće ili strano pravno ili fizičko lice ili vjerska zajednica, u skladu sa ovim zakonom. Naučnoistraživačku organizaciju mogu osnovati dva ili više osnivača zajedno i može biti javna ili privatna. Javnu naučnoistraživačku organizaciju mogu osnovati Skupština Kantona ili jedinica lokalne samouprave, odnosno Skupština i jedinica lokalne samouprave u svojstvu saosnivača.“

Rijaset Islamske zajednice u Bosni i Hercegovini je na prijedlog Muftijstva Tuzlanskog, osnovao je Institut za društvena i religijska istraživanja u Tuzli 2017. godine, od kada Institut pod ovim nazivom kao udruženje uspješno djeluje u Tuzli nepunih sedam godina. U navedenom periodu je uspio animirati priznate naučne radnike i istraživače, koji su dali značajan doprinos u njegovom dosadašnjem radu.

Do danas je Institut stekao društvenu afirmaciju svojim istraživačkim radom, organizovao je naučne konferencije od kojih i nekoliko sa međunarodnim učešćem, više okruglih stolova i tribina, a u okviru izdavačke djelatnosti do sada je izdao 30 publikacija (knjiga, zbornika, radova...), provedeno je nekoliko empirijskih istraživanja, te ostvario saradnju i potpisao sporazume o saradnji sa nekoliko značajnih obrazovnih i kulturnih ustanova u Bosni i Hercegovini. Poseban doprinos Institut je dao u izučavanju Genocida u Srebrenici kroz naučnu valorizaciju putem nekoliko naučnih projekata.

Ministarstvo obrazovanja i nauke Tuzlanskog kantona prepoznalo je Institut kao udruženje koje se bavi naučnoistraživačkim radom u okviru društvenih i humanističkih nauka, a djelatnost



ostvaruje kroz naučno – istraživačke projekte, stručne i naučne radove, naučne skupove, okrugle stolove, promocije knjiga te kroz izdavačku djelatnost.

Pored ostalih aktivnosti u fokusu strateškog interesovanja Instituta je izučavanje Genocida nad Bošnjacima u Srebrenici 1995. godine.

Rad instituta je prepoznat od značajnog broja kulturnih i obrazovnih ustanova Tuzlanskog kantona, ali i šire, sa kojima je Institut ostvario uspješnu i višestruko korisnu saradnju.

Na području Tuzlanskog kantona ne postoji institut registrovan kao naučnoistraživačka organizacija u skladu sa Zakonom, te bi Tuzlanski kantona prihvatanjem prijedloga Islamske zajednice u Bosni i Hercegovini za osnivanje Instituta za društvena i religijska istraživanja, dobio prvi institut kao naučnoistraživačku organizaciju, koji bi se osnovao kao javna ustanova i čiji bi suosnivači bili Skupština Tuzlanskog kantona i Islamska zajednica u Bosni i Hercegovini.

Naprijed navedeno smatramo opravdanim imajući u vidu dosadašnju dobru saradnju u suosnivačkim odnosima između Skupštine Tuzlanskog kantona i Islamske zajednice u Bosni i Hercegovini kada je u pitanju Javna ustanova Specijalna biblioteka „Behram-beg“ u Tuzli.

Imajući u vidu navedeno, Ministarstvo obrazovanja i nauke Tuzlanskog kantona navedeni prijedlog cijeni pozitivnim i društveno korisnim.

Ukoliko Skupština Tuzlanskog kantona prihvati prijedlog za osnivanje Instituta, potrebno je da shodno članu 28. stav (3) Zakona o naučnoistraživačkom radu, zaduži Ministarstvo obrazovanja i nauke Tuzlanskog kantona da sačini Elaborat o opravdanosti osnivanja Instituta za društvena i religijska istraživanja kao naučnoistraživačke organizacije čiji bi jedan od suosnivača bila Skupština Tuzlanskog kantona, uz prethodno pribavljena mišljenja Ministarstva za kulturu, sport i mlade Tuzlanskog kantona, te Kantonalnog savjeta za nauku i tehnologiju u skladu sa članom 33. stav (4) Zakona.

Nakon sačinjavanja Elaborata o opravdanosti osnivanja, na osnovu člana 33. stav (3) predmetnog Zakona, Vlada Tuzlanskog kantona bi na prijedlog Ministarstva obrazovanja i nauke, isti utvrdila i dostavila Skupštini Tuzlanskog kantona na usvajanje, a potom bi se preduzele potrebne radnje s ciljem donošenja akta o osnivanju Instituta za društvena i religijska istraživanja od strane Skupštine Tuzlanskog kantona kao suosnivača, nakon čega bi shodno članu 28. Zakona, Islamska zajednica u Bosni i Hercegovini i Skupština Tuzlanskog kantona kao suosnivači zaključili ugovor o međusobnim pravima, obavezama i odgovornostima.

S poštovanjem,

**DOSTAVLJENO:**

**1 x Naslovu**

**1 x Evidenciji**

**1 x Arhivi**


**ED/AM**





Broj: 02-45-495-2 /24  
Tuzla, 17.10.2024. godine

TUZLANSKI KANTON  
Vlada  
- n/r premijera Kantona -



Predmet: mišljenje - traži se

Skupštini Tuzlanskog kantona je dostavljen prijedlog Islamske zajednice u Bosni i Hercegovini za osnivanje naučnoistraživačkog Instituta za društvena i religijska istraživanja u Tuzli.

Navedeni prijedlog broj: 02-02-495-1/24 od 15.10.2024. godine, dostavljamo na uvid i tražimo mišljenje o istom.


S poštovanjem,

Dostavljeno:  
1x Naslovu  
1x sekretaru Vlade  
1x Ministarstvu obrazovanja i nauke  
1x Evidenciji  
1x Arhivi



Predsjednik Skupštine

Žarko Vujović



# ISLAMSKA ZAJEDNICA U BOSNI I HERCEGOVINI

RIJASET

Uprava za obrazovanje i nauku

Broj: 04-03-1-4751/24

Datum: 04. rebi'ul-ahir 1446. h. g.

07. oktobar 2024. godine

SKUPŠTINA TUZLANSKOG KANTONA  
T U Z L A

PRIMLJENO:			
Org.jed.	Klasif.oznaka	Redni broj	Br. priloga
02	45	495-1/24	-

## SKUPŠTINA TUZLANSKOG KANTONA

**Predmet: Prijedlog za osnivanje naučno-istraživačke organizacije – instituta “Institut za društvena i religijska istraživanja” u Tuzli**

Poštovani,

Naučno-istraživački instituti su ustanove od posebnog društvenog značaja, koje se bave istraživanjem novih i provjerom postojećih (sa)znanja, utemeljenih na verificiranoj naučnoistraživačkoj metodologiji. Pojam “naučno-istraživačka djelatnost” podrazumijeva sistematsku i kreativnu aktivnost na otkrivanju, provjeri i usvajanju novih znanja, s ciljem podizanja općeg kulturno-obrazovnog nivoa društva i utilitarnog korištenja tih znanja u svim oblastima društvenog i privrednog razvoja, uključujući i razvoj savremenih tehnologija i njihovu primjenu u praksi. S obzirom da su naučno-istraživačka dostignuća involvirana u obrazovne sisteme svakog civiliziranog društva i države, naučno-istraživački instituti, u znanstveno-obrazovnom smislu, segmentirani su u integralni sistem visokog obrazovanja, kod nas i u svijetu. Kao takvi, naučno-istraživački instituti, koji imaju jasno definirane ciljeve istraživanja, trebalo bi da imaju iskazanu društvenu opravdanost i karakter javnih ustanova ili zavoda.

Muftijsvo tuzlansko je na svojim sjednicama više puta razmatralo pitanje potrebe i opravdanosti osnivanja naučno-istraživačke ustanove u Tuzli. Imajući u vidu činjenicu da u Tuzli postoji jedan od najrazvijenijih državnih univerziteta u Bosni i Hercegovini, s tradicijom i ugledom, a da u isto vrijeme na području Tuzlanskog kantona ne postoji nijedna naučno-istraživačka ustanova čija djelatnost je usmjerena na šira društvena istraživanja, Rijaset Islamske zajednice u Bosni i Hercegovini je, na prijedlog Muftijstva tuzlanskog, 17. novembra 2017. godine donio *Odluku o osnivanju Instituta za društvena i religijska istraživanja u Tuzli*. Institut pod ovim nazivom kao udruženje uspješno djeluje u Tuzli nepunih sedam godina. Institut ima Upravni odbor i direktora koji su imenovani u skladu sa propisima Islamske



zajednice. Dosadašnji rad Instituta odvijao se u skladu s odredbama internih akata i Zakona o naučnoistraživačkoj djelatnosti Tuzlanskog kantona.

U proteklom periodu, Institut je uspio animirati poznate i priznate naučne radnike i istraživače koji su dali značajan doprinos u njegovom dosadašnjem razvoju i radu, a sam Institut je stekao zapaženu društvenu afirmaciju, ponajprije svojim istraživačkim radom i ostvarenim znanstvenim rezultatima. Institut je do sada organizirao dvanaest naučnih konferencija, od kojih nekoliko sa međunarodnim učešćem te više okruglih stolova, kolokvija i tribina različitim povodima. U okviru izdavačke djelatnosti Institut je izdao trideset publikacija (knjiga, zbornika radova, kataloga...) te organizirao na desetine promocija knjiga. Na Institutu je provedeno nekoliko recentnih empirijskih istraživanja. Institut je ostvario saradnju i potpisao *Sporazume o saradnji* sa nekoliko značajnih obrazovnih i kulturnih ustanova u Bosni i Hercegovini.

Poseban doprinos Instituta je u izučavanju Genocida u Srebrenici te njegova naučna valorizacija putem nekoliko naučnih projekata. Nadalje, imajući u vidu Rezoluciju UN o Srebrenici koja poziva države da spriječe negiranje genocida čuvanjem utvrđenih činjenica uključujući i putem obrazovnih sistema, planirano je da Institut obavlja istraživanja Genocida u Srebrenici formiranjem posebnog odjeljenja u Memorijalnom centru Potočari, gdje bi istraživači Instituta mogli nastaviti svoja istraživanja ovog fenomena, s ciljem da rezultati tog istraživanja budu objavljeni kako u naučnim časopisima, tako i u školskim udžbenicima za generacije koje dolaze. Naprijed navedenim, Institut bi dao svoj doprinos da se na Genocid u Srebrenici ne gleda samo kao na dokazanu činjenicu, već da isti ima i svoj naučni aspekt.

Smatramo da je ostvarene rezultate kao i planirane aktivnosti moguće unaprijediti na način osnivanja naučno-istraživačke organizacije - instituta i to kao ustanove koju bi osnovali Skupština Tuzlanskog kantona i Rijaset Islamske zajednice u Bosni Hercegovini. Time bi se ostvarile značajne pretpostavke za poboljšanje funkcionisanja i izvrsnosti rezultata naučno-istraživačkog rada.

Zakonski osnov za naprijed navedeno nalazimo u Zakonu o naučno-istraživačkom radu Tuzlanskog kantona („Službene novine TK" broj: 14/17, 8/21, 16/22, 9/23 i 3/24, u daljem tekstu: Zakon), prema kojem je vjerskim zajednicama omogućeno osnivanje naučno-istraživačkih organizacija (Član 27. Zakona) kao i propisima Islamske zajednice (Član 57. Ustava Islamske zajednice u BiH). U nastavku ćemo navesti neke od odredbi iz pomenutih propisa.

Odredbama člana 27. Zakona je propisano: „*Osnivač naučnoistraživačke ustanove može biti Skupština Kantona, jedinica lokalne samouprave, te svako domaće ili strano pravno ili fizičko lice*



ili vjerska zajednica. Naučno-istraživačku ustanovu mogu osnovati dva ili više osnivača zajedno. Akt o osnivanju naučno-istraživačke ustanove donosi osnivač, u skladu sa zakonom. Prije donošenja akta o osnivanju, osnivač je dužan sačiniti elaborat o opravdanosti osnivanja, u kome se predočavaju: društveno-ekonomski razlozi, cilj osnivanja, prostor i oprema, kadrovski potencijal, kao i svi drugi faktori bitni za rad naučno-istraživačke ustanove."

U čl. 57. Ustav IZ u BiH propisuje da: „Rijaset osniva fondove, urede, centre, agencije, preduzeća, institute i druge ustanove.“

Da bi se obezbijedio rad Instituta kao naučno-istraživačke organizacije u punom kapacitetu, u smislu njegovog statusnog pozicioniranja kao javne ustanove, neophodna su značajnija finansijska sredstava za doprinose i bruto plaće uposlenika kao i podrška naučno-istraživačkim projektima. Smatramo da je opravdano i neophodno rješenje da Vlada, odnosno Skupština Tuzlanskog kantona putem suosnivačkih prava i usaglašenih obaveza obezbijedi finansijsku podršku za doprinose i bruto plaće uposlenika na Institutu kao i finansijsku podršku putem kapitalnih ulaganja, dok bi Islamska zajednica u Bosni i Hercegovini obezbijedila prostor, finansirala naučno-istraživačke projekte te ponudila iskustvo u dosadašnjem radu na polju naučno-istraživačke djelatnosti, što bi se detaljno preciziralo u ugovoru koji bi potpisale dvije strane.

Dosadašnja pozitivna iskustva u pravnim odnosima Islamske zajednice i Vlade Tuzlanskog kantona prilikom osnivanja i kontinuiranog funkcionisanja nekoliko ustanova na području Tuzlanskog kantona regulisanim Ugovorom o suosnivačkim pravima i obavezama, opravdana su osnova za pokretanje inicijative da Skupština Tuzlanskog kantona donese odluku o suosnivanju „Instituta za društvena i religijska istraživanja“ u Tuzli zajedno sa Islamskom zajednicom u Bosni i Hercegovini.

Zbog svega navedenog, a na temelju Zaključka Rijasetu Islamske zajednice u Bosni i Hercegovini broj: 02-03-2-4276-2/24, od 26. septembra 2024. godine, upućujemo *Prijedlog* prema Skupštini Tuzlanskog kantona za osnivanje naučno-istraživačke organizacije - instituta „Institut za društvena i religijska istraživanja“ u Tuzli.

**Dostavljeno:**

- Naslovu
- Arhiva
- a/a.

